

Resolución da Xefatura Territorial da Consellería do Mar na Coruña pola que se publica a relación de embarcacións seleccionadas no proceso selectivo para o incremento do número de cotas de captura para as embarcacións que contan coa modalidade de marisqueo no permiso de explotación no marco do plan de xestión de moluscos bivalvos e gasterópodos en autorización da confraría de pescadores de Miño, e se abre o prazo para presentación de documentación.

Antecedentes

1. O plan de xestión de moluscos bivalvos e gasterópodos a pé e dende embarcación en autorización da confraría de pescadores de Miño (PE4013A 2020/23-1) aprobouse para o trienio 2021-2023 mediante a Orde do 21 de decembro de 2020 pola que se aproba o Plan Xeral de Explotación Marisqueira.

De conformidade co expediente de aprobación do plan de xestión citado estableceuse un número máximo de tres (3) embarcacións con tres (3) persoas tripulantes con dereito a cota para todo o trienio.

2. O 14.12.2022 (Rexistro de Entrada Nº 2022/3068596), a confraría de Miño (en diante a entidade) solicitou a realización dunha medida de adaptación do plan co obxectivo de incrementar o número de participantes no plan de xestión para a modalidade de embarcación, co outorgamento da arte MARISQUEO no permiso de explotación para unha (1) embarcación con unha (1) cota e unha (1) cota adicional para ofertar ás embarcacións xa incluídas no plan.

3. O 16.02.2023 esta xefatura territorial ditou resolución adoptando a medida de adaptación indicada no punto anterior no plan de xestión de tal xeito que o número máximo de participantes na modalidade dende embarcación para o ano 2023 quedou establecido en (4) embarcacións e cinco (5) persoas tripulantes con dereito a cota.

4. O 10.03.2023 esta xefatura territorial ditou resolución pola que se convocou proceso selectivo para o incremento do número de cotas de captura para as embarcacións que contan coa modalidade de marisqueo no permiso de explotación no marco do plan de xestión de moluscos bivalvos e gasterópodos en autorización da confraría de pescadores de Miño.

5. O 04/04/2023 esta xefatura territorial ditou resolución pola que se publicou a relación de embarcacións admitidas e excluídas no proceso selectivo para o incremento do número de cotas de captura para as embarcacións que contan coa modalidade de marisqueo no permiso de explotación no marco do plan de xestión de moluscos bivalvos e gasterópodos en autorización da confraría de pescadores de Miño.

Consideracións legais e técnicas

Xefatura Territorial da Coruña
Rúa Ramón y Cajal, 2 5º andar (Casa do Mar)
15006 A Coruña
Tel.: 981 182 000
xefaturaterritorial.mar.coruna@xunta.gal



1. A Lei 11/2008, do 3 de decembro, de pesca de Galicia, modificada pola Lei 6/2009, do 11 de decembro, e o Decreto 153/2019, do 21 de novembro, polo que se regula o réxime de conservación e explotación dos recursos marisqueiros e das algas establecen que o exercicio da actividade de marisqueo de recursos xerais requirirá que:

- Se realice ao abeiro dun plan de xestión ou en zonas de libre marisqueo no marco do Plan xeral de explotación marisqueira establecido
- A extracción de recursos marisqueiros en zonas suxeitas a plan de xestión ou en zonas de libre marisqueo só poderá ser exercida polas persoas e embarcacións que estean en posesión da preceptiva habilitación.

2. O Decreto 153/2019 do 21 de novembro, polo que se regula o réxime de conservación e explotación dos recursos marisqueiros e das algas, establece no artigo 17.2 que cando o número de participantes sexa inferior ao máximo establecido no plan de xestión, a xefatura territorial da consellería competente en materia de marisqueo incrementará anualmente o número de participantes no plan ata o máximo establecido, sen prexuízo das medidas de adaptación establecidas no artigo 21.

3. A disposición adicional terceira da Orde do 21 de decembro de 2020 pola que se aproba o Plan xeral de explotación marisqueira para o trienio 2021-2023 (códigos de procedemento PE403A, PE403C, PE403D e PE403E), establece que en virtude do disposto na disposición adicional terceira da Orde do 26 de outubro de 2004, pola que se regula a alternancia de artes para embarcacións que pesquen en augas da Comunidade Autónoma de Galicia, e durante a vixencia desta orde, naqueles plans de xestión en que os datos resultantes do seguimento da explotación, a situación social do sector e os estudos sobre o estado dos recursos así o permitan, poderase incrementar o número de embarcacións coa modalidade de marisqueo con vara, sen prexuízo das limitacións e condicións establecidas para cada un dos plans de xestión.

O incremento dos/das participantes aprobados/as nos plans de xestión de marisqueo con vara realizarase segundo a resolución da Dirección Xeral de Desenvolvemento Pesqueiro do 22 de outubro de 2013, pola que se aproba o baremo para incrementar o número de cotas nas embarcacións que xa participan nun plan de xestión e para acceder á modalidade de marisqueo con vara no permiso de explotación no marco dun plan de xestión.

4. Nesta convocatoria foi admitida unha (1) embarcación que conta cunha (1) cota de marisqueo con vara no seu permiso de explotación e cumpre cos requisitos establecidos:

CFPO	Embarcación	Lista, matrícula e folio
100430	VALERIA I	3ª-FE-4-1-22

5. O número de solicitudes que cumpren os requisitos é igual ao número de prazas ofertadas polo que non é necesario proceder á súa valoración para establecer unha orde de prelación para a selección das embarcacións, de conformidade coa resolución da Dirección Xeral de Desenvolvemento Pesqueiro do 22.10.2013 citada no punto anterior.

6. Esta xefatura territorial é o órgano competente para incrementar o número de cotas nas embarcacións que xa participan nun plan de xestión de conformidade co establecido no artigo 17.2 do Decreto 153/2019, do 21 de novembro, polo que se regula o réxime de

Xefatura Territorial da Coruña
Rúa Ramón y Cajal, 2 5º andar (Casa do Mar)
15006 A Coruña
Tel.: 981 182 000
xfaturaterritorial.mar.coruna@xunta.gal



conservación e explotación dos recursos marisqueiros e das algas e co artigo 13 do Decreto 50/2021, do 11 de marzo, polo que se aproba a estrutura orgánica da Consellería do Mar.

De acordo con todo o anterior,

RESOLVO:

1. Facer publica a lista das embarcacións seleccionadas neste proceso selectivo para o incremento dunha (1) cota de captura para as embarcacións que contan coa modalidade de marisqueo no permiso de explotación no marco do plan de xestión de moluscos bivalvos e gasterópodos en autorización da confraría de pescadores de Miño.

2. Outorgar á persoa armadora da embarcación seleccionada un prazo máximo de quince (15) días hábiles contados desde o día seguinte ao da publicación desta resolución, para presentar ante a Xefatura Territorial da Consellería do mar a seguinte documentación para a asignación final da cota:

a) Rol de despacho actualizado da embarcación coa dotación de tripulación enrolada nela

b) Taxa correspondente para a expedición dos novos permisos de explotación onde quedará reflectido o novo número de cotas

Se a documentación non se presenta no prazo establecido, entenderase que desisten da súa solicitude, de conformidade co disposto no artigo 68 da Lei 39/2015, do 1 de outubro, polo que a cota será declarada vacante.

De acordo co disposto no artigo 4.1 Decreto 425/1993, do 17 de decembro, as embarcacións seleccionadas que presentasen a documentación dentro do prazo establecido non poderán ter sancións firmes en vía administrativa en materia de protección de recursos mariños, pendentes de pagamento.

A xefatura territorial ditará resolución concedendo ou denegando a cota de marisqueo con vara, conforme ao establecido na Resolución do 22 de outubro de 2013.

O artigo 10 da Lei 4/2019, do 17 de xullo, de administración dixital de Galicia, establece a obrigatoriedade para as persoas traballadoras autónomas de relacionarse a través de medios electrónicos no ámbito do sector público autonómico para os trámites e as actuacións que realicen no exercicio da súa actividade profesional.

Por tanto, as solicitudes e a documentación indicada, deberán presentarse por vía electrónica a través do formulario normalizado asociado á solicitude inicial do procedemento PR004A (achega de documentación separada da solicitude) ou ben a través do formulario de alegacións dispoñible nos modelos xenéricos da sede electrónica. Para a dita presentación será necesario identificarse electronicamente mediante calquera dos sistemas de identificación e sinatura admitidos pola sede da Xunta de Galicia.

As persoas interesadas poderán presentar contra esta resolución, que non pon fin á vía administrativa, un recurso de alzada ante a conselleira do Mar no prazo dun (1) mes contado a partir do día seguinte ao da publicación desta resolución, de acordo co establecido nos artigos 30, 121 e 122 da Lei 39/2015 de 1 de outubro, do procedemento administrativo común das administracións públicas.





Esta resolución publicarase no taboleiro de anuncios da xefatura territorial da Coruña e na páxina web <http://www.mar.xunta.gal>. A resolución tamén se exporá, con carácter informativo, no taboleiro de anuncios da confraría de pescadores de Miño.

Esta resolución notifícaselle á confraría de pescadores de Miño, como entidade titular do plan de xestión de moluscos bivalvos e gasterópodos en autorización, consonte ao artigo 40 e seguintes da Lei 39/2015, de 1 de outubro.

A xefa territorial

M^a José Cancelo Baquero

Por ausencia (Resolución 04.08.2022)

Miguel Gómez Losada

Xefe do Servizo de Desenvolvemento Pesqueiro



ANEXO I

Lista de embarcacións seleccionadas no proceso selectivo para o incremento do número de cotas de captura para as embarcacións que contan coa modalidade de marisqueo no permiso de explotación no marco do plan de xestión de moluscos bivalvos e gasterópodos en autorización da confraría de pescadores de Miño

Embarcacións admitidas			
Embarcación	CFPO	Lista, matrícula e folio	Persoa armadora
VALERIA I	100430	3ª-FE-4-1-22	Andrea Vidal Sánchez

